

COVID-19 – Seicliosta Dea-chleachtais

Ag déileáil le Cás Amhrasta COVID-19

Ullmhaíodh na seicliostaí seo chun cabhrú le fostóirí, úinéirí gnó agus bainisteoirí a ngnó a réachtáil ar bhealach a chabhróidh le leathadh COVID-19 a chosc. Tugtar treoir sa seicliosta seo ar dhéileáil le cás amhrasta COVID-19 san ionad oibre. Níor cheart d'oibríthe freastal ar an obair má tá aon chomhartha nó siomptóm COVID-19 orthu, nó má bhí toradh dearfach ar thástáil COVID-19 acu. Tá tuilleadh eolais ar gov.ie, hse.ie, hpsc.ie agus hsa.ie.

Uimh.	Beart Rialaithe	✓Tá	✓Níl	Gníomh a theastaíonn
	Nósanna Imeachta agus Eolas			
1.	An bhfuil beartais agus nósanna imeachta ¹ i bhfeidhm agat chun oibríthe nó daoine eile a dtagann siomptóim COVID-19 orthu ag an obair a shainaithint agus a leithlisiú go pras?			
2.	An bhfuil loga teagmhálacha á gcoinneáil agat ar mhaithe le rianú teagmhálacha dá dtarlódh ráig agus go mbeadh sonraí le tabhairt don Roinn Sláinte Poiblí?			
3.	An bhfuil cuspóirí an loga curtha in iúl agat do na hoibríthe agus daoine eile (.i. le húsáid ag Sláinte Phoiblí i gcás ráige)?			
4.	An bhfuil tú tar éis dul i gcomhairle leis na hoibríthe ² faoi na nósanna imeachta leithlisithe agus an uair a chaithfear iad a úsáid?			
5.	An bhfuil póstaer COVID-19 ar taispeáint i suíomhanna oiriúnacha chun aird oibríthe agus cuairteoirí a tharraingt ar eolas tábhachtach?			
	Treoracha má léiríonn duine/daoine comharthaí agus siomptóim COVID-19 ag an obair			
6.	An bhfuil treoir tugtha agat do na hoibríthe faoina gcaithfidh siad a dhéanamh má thagann comharthaí nó siomptóim COVID-19 orthu ag an obair, agus an tábhacht a bhaineann le leithlisiú go luath chun leathadh an víris a chosc?			
7.	An bhfuil an t-eolas agus comhairle Sláinte Poiblí is nuaí ar COVID-19 tugtha do na hoibríthe, eolas a d'éisigh Feidhmeannacht na Seirbhíse Sláinte, an Lárionad Faire um Chosaint Sláinte agus gov.ie?			
	Tuairisciú			
8.	An bhfuil tú tar éis labhairt leis na hoibríthe faoi na nósanna imeachta tuairiscithe atá le leanúint má léiríonn siad comharthaí agus siomptóim COVID-19 ag an obair? An bhfuil a fhios acu cé leis a rachaidh siad i dteagmháil agus cén chaoi?			

¹ Má tá seirbhís sláinte ceirde i bhfeidhm san ionad oibre cheana féin, féadfaidh an fostóir an tseirbhís sin a úsáid chun freagairt do bhearta agus tacú leo chun déileáil le cás amhrasta nó deimhnithe COVID-19.

² agus le Ceardchumainn nuair is cuí

Uimh.	Beart Rialaithe	✓Tá	✓Níl	Gníomh a theastaíonn
	Cásbhainisteoir/teagmhálaí ainmnithe agus foireann bainistíochta freagartha COVID-19			
9.	An bhfuil cásbhainisteoir/teagmhálaí ainmnithe ceaptha agat chun déileáil le cás amhrasta COVID-19 san ionad oibre?			
10.	An bhfuil an fhoireann/na foirne atá freagrach as déileáil le cás(anna) amhrasta COVID-19 san ionad oibre sainaitheanta agat, agus an bhfuil oiliúint ar an bhfoireann sin faoi na gníomhartha atá le déanamh acu?			
	Limistéar leithlisithe			
11.	An bhfuil áit sainaitheanta agat, roimh ré, is féidir a úsáid mar limistéar leithlisithe, ceann ar féidir an doras a dhúnadh air, sa chás go mbíonn cás amhrasta COVID-19 san ionad oibre? Tabhair faoi deara: Mura bhfuil limistéar leithlisithe ar a bhfuil doras dúnta ar fáil, caithfidh tú limistéar amach ó na hoibrithe eile a chur ar fáil.			
12.	An bhfuil an limistéar leithlisithe agus an bealach chuige inrochtana do chách, daoine atá faoi mhíchumas ina measc?			
13.	Má bhíonn comharthaí agus siomptóim COVID-19 ar níos mó ná duine amháin, an bhfuil limistéir leithlisithe bhreise ar fáil, nó an bhfuil plean teagmhasach agat chun déileáil lena leithéid?			
14.	An bhfuil siad seo a leanas ar fáil sa limistéar/sna limistéir leithlisithe? <ul style="list-style-type: none"> • Aeráil, m.sh. trí fhuinneog a oscailt • Ciarsúir pháipéir, díghalrán lámh, díghalrán agus/nó ceirtíní • PPE, lámhainní, maisc leighis/maisic anáilaitheora, málaí/boscaí bruscair 			
	Duine ar a bhfuil siomptóim COVID-19 a leithlisiú			
15.	An bhfuil nósanna imeachta i bhfeidhm don chásbhainisteoir/teagmhálaí ainmnithe nó do dhuine ón bhfoireann freagartha a rachaidh chuig an limistéar leithlisithe leis an té ar a bhfuil na siomptóim, feadh an bhealaigh leithlisithe, ach a chloífidh i gcónaí le scaradh fisiciúil 2 mhéadar ar a laghad agus a chinnteoidh go bhfuil gach duine eile 2 mhéadar ar a laghad uathu?			
16.	An bhfuil an nós imeachta sin ar eolas ag an gcásbhainisteoir/teagmhálaí ainmnithe agus an fhoireann freagartha?			
17.	An bhfuil sé curtha in iúl do dhaoine fanacht 2 mhéadar ar a laghad ón té ar a bhfuil na siomptóim i gcónaí?			

Uimh.	Beart Rialaithe	✓Tá	✓Níl	Gníomh a theastaíonn
18.	An bhfuil masc indiúscartha ar fáil don té ar a bhfuil na siomptóim, masc a bheidh le caitheamh sa limistéar comhroinnte le daoine eile, agus nuair atá siad ag fágáil an fhoirgnimh?			
	Ag eagrú bealach fágála ón ionad oibre don duine/Straitéis Fágála			
19.	An bhfuil sé cinntithe, trí cheist a chur orthu, an airíonn an té ar a bhfuil na siomptóim maith go leor le taisteal abhaile?			
20.	Má mheasann an té ar a bhfuil na siomptóim go bhféadfaidís taisteal abhaile, an bhfuil tú tar éis a rá leo sin a dhéanamh, leanúint leis an bhféin-leithlisiú, tástáil a dhéanamh agus cloí leis an gcomhairle sláinte poiblí?			
21.	Má airíonn an té ar a bhfuil na siomptóim nach féidir leo dul abhaile, an bhfuil an cásbhainisteoir/an teagmhálaí ainmnithe/an fhoireann freagartha tar éis ligean dóibh fanacht ag leithlisiú, agus cabhrú leo tástáil a eagrú?			
22.	An bhfuil sé curtha in iúl don té ar a bhfuil na siomptóim gan lámh a leagan ar dhaoine eile, dromchlaí agus rudaí?			
23.	An bhfuil sé curtha in iúl don té ar a bhfuil na siomptóim a mbéal agus a srón a chlúdach leis na ciarsúir indiúscartha nuair a dhéanann siad casacht nó sraoth agus an ciarsúr a chur sa bhosca/mhála bruscair a cuireadh ar fáil dóibh?			
24.	An bhfuil bealach abhaile nó chuig ospidéal le haghaidh measúnú leighis socraithe má theastaíonn sé sin?			
25.	An bhfuil sé curtha in iúl don té ar a bhfuil na siomptóim gan dul chuig ionad sláinte dochtúra ná chuig aon chógaslann ná ospidéal seachas má ordaíonn oibrí leighis é sin?			
26.	An bhfuil sé curtha in iúl don té ar a bhfuil na siomptóim gan dul ar iompar poiblí?			
27.	An bhfuil sé curtha in iúl don té ar a bhfuil na siomptóim an masc aghaidhe a fhágáil orthu go mbeidh siad sa mbaile?			
	Gníomh leantach			
28.	An bhfuil aon mheasúnú déantar ar an eachtra chun aon ghníomhartha leantacha a theastaíonn a shainaithint?			

Uimh.	Beart Rialaithe	✓Tá	✓Níl	Gníomh a theastaíonn
29.	An bhfuil tú in ann comhairle agus cúnamh a sholáthar má théann FSS i dteagmháil leat?			
30.	Má tá seirbhís sláinte ceirde san ionad oibre, an bhfuil tú tar éis cuimhneamh ar an tseirbhís a úsáid chun cabhrú leis na bearta thuasluaite?			
	Díghalrú			
31.	An bhfuil an limistéar le glanadh go hiomlán agus na dromchlaí le díghalrú le díghalrán atá éifeachtach in aghaidh víreas? Féach ar an tuarascáil 'Díghalrú timpeallachtaí i suíomhanna cúraim sláinte agus i suíomhanna nach suíomhanna cúraim sláinte iad, ar suíomhanna iad a d'fhéadfadh a bheith éillithe le SARS-CoV-2' ag ecdc.europa.eu .			
32.	An bhfuil dramhaíl phearsanta (nuair atáthar ag déileáil le cás amhrasta COVID-19), m.sh. ciarsúir pháipéir, ceirtíní agus ábhair ghlantacháin úsáidte, á diúscairt? An bhfuil dramhaíl phearsanta (nuair atáthar ag déileáil le cás amhrasta COVID-19), m.sh. ciarsúir pháipéir, ceirtíní agus ábhair ghlantacháin úsáidte, á diúscairt go sábháilte?			
33.	An bhfuil oiliúint curtha ar na glantóirí faoin gcaoi le dul i ngleic le limistéir éilithe agus an bhfuil an PPE oiriúnach ar fáil dóibh?			
<p>Tabhair faoi deara: Tá tuilleadh eolais faoi dhlúth-theagmhálaithe, teagmhálaithe fánacha agus tástáil ar fáil ar shuíomh gréasáin Fheidhmeannacht na Seirbhíse Sláinte. Tá comhairle agus treoir bhreise ar dhul i ngleic le cás amhrasta nó ráig a bhainistiú ar fáil ar shuíomh gréasáin an Lárionaid Faire um Chosaint Sláinte (HPSC).</p>				
	Eolas Breise			

Ainm: _____ Síniú: _____ Dáta: _____

Is chun críche treorach amháin an t-eolas atá sa seicliosta seo, agus níl sé cuimsitheach. Níl sé ceaptha comhairle dhlí a chur ort, agus níor cheart duit brath ar an eolas mar chomhairle dá leithéid. Ní thugaimid aon bharánta sainráite ná intuigthe i leith chruinneas nó iomláine an eolais. Ní bheidh an tÚdarás Sláinte agus Sábháilteachta faoi dhliteanas ar aon bhealach ná go feadh méid ar bith i leith aon damáistí, cailteanas ná costais dhíreacha, indíreacha, speisialta, theagmhasacha nó iarmhartacha a eascraíonn as úsáid an tseicliosta seo.